

اداره مرکزی :

آقره ده ، استانبول جاده سنده آقره
معارف امینتکی پاشه کی داږه

استانبول بورسی :

استانبولده ، آقره جاده سنده ۸۷ نومروده
داږه مخصوصه

حیات

میاړه د اتمامیاز ... دنیا د اها جوق حیات قاتلم ...
- نیچ -

نومبر هر پرده ۱۵ غورځور .
سنة لکی پوسته ابله ۷.۵ لیرا .
(اجنبي ملکتر ایچین ۷.۵ دولار) .

ابونه و اعلان ایشلری ایچین استانبول بورسیه
مراجعت ایدیلیر .
بازی ایشلرنک مرجعی آقره مرکزدر .

صافی : ۷۸

آقره ، ۲۴ مایس ، ۱۹۲۸

۳ نجی جلد

أمان الله خان حضرتی آقره ده

أمان الله خان حضرتی کچن جمعه ایرته سندنبری تورکیه نك مسافری اولارق بولونوبورلر . کندیلری آوروپا حکومت مرکز لرندن برچوغنه اوغرا دیلر . هپسندہ بویوک مراسمه استقبال و تشیيع اولوندیلر . تورک وطننده ایسه آنجق قاردهش قلبنده بولونایله جک جوق صیجاق ، جوق درین برحبتله قارشیلان دیلر . بو حسی اوزون بر تاریخ دو قودی ؛ دهادون دینه جک برماضیده افغان ملتی ، باشده قیمتی حکمدارلری اولدینی حالده استقلال و حریتی ایچین مجادله ایدرکن تورک قلبی حرارتله آسیانک بو قهرمان ملتنک موفقیتنی دیله بوردی . استقلال حربنده ده تورک ملتی بویوک داهینک آرقاسنده وطنی قورتارمق ایچین چالیشیرکن افغانیلرک یوره کلری ده برتورک کچی چارمیشدی . بو مشترک حسلر ایکی ملتی بربرینه جوق درین حسلرله ربط ایله مشدر . بو دو یغولری قارداش ایکی ملتنک بویوک رئیسری ، صحیفه لر مزه افتخارله درج ایتدی کمز متقابل نطق لرنده قلبدن کلن وجیز و بلیغ برلسانه سویله مشر . وعینی زمانده تورک و افغان کنجلیکی ایچون هر بر گلهسی قیمتی برر درس تشکیل ایدن و اوزر لرندہ درین درین دوشونوله جک بر حقیقت اولان بیاناتده بولونمشلردر .

تورک و افغان ملت لرنی یکدیگرینه یالکز ماضیده کی رابطه باغلاماشدر . بو ایکی ملتنک استقبال حقنده مفکوره لرندہ کی عنیت ده حسلرده کی اشتراکی اتمام ایله مکده در . تورک ملتی بویوک انقلابیه مدنیت طالنه کیرمکه مانع اولان بوتون انکلری بیقیدی . افغان ملتی ده عینی بولده بوروبور . افغان ملتی بو مفکوره یه دوغرو بورورکن تورک ملتنک تجربہ لرندن جوق استفاده ایدہ بیلیر . تورک ملتی ده عینی جهدی کوسته رهن قاردهش ملته معنوی و حرثی ساحه ده هر نوع یاردیمی یا پمایی انسانی بر بورج بیلمکده در . حکمدارلر حضراتی تجدد ساحه سنه آتیلق خصوصنده دها اسکی اولان قاردهش تورکیه ده افغانستانک رفاہ و سعادتنی دیله بن جوق تمیز یوره کلر بولاجقنر ، افغانستانده یابیلماسی لازم کلن فکر لرله تماس ایلیه جکلردر . قرال و قرالیچه حضرتلرنک زیارتی ایکی ملت آراسنده ذاتاً چوقدن باشلامش اولان حرثی مناسبتی بر قاندها تقویہ ایدہ جکلندن شہه ایتمه یورم . بو مناسبتدرکه آسیاده غرب مدینتی ایچنه کیرمش ایکی ملتنک عینی دو یغو و بیلیکی ایله هر زمان ال اله یورومه سنی تأمین ایلیه جکلر .

محمد امین

غازی حضرتلرنک نطق لری

— قرال حضرتلری ، تورک ملتی و جمهوریت حکومت و بن ذات حکمداریلرنی و قرالیچه حضرتلرنی تورکیه ده کورمکله پک زیاده مسرور و ممنونز . کابلدن حرکت بیورولدینی کوندن بری سیاحت حکمداریلری صفحاتی بویوک علاقه و افتخارله تعقیب ایدیلور و عمومی بر اشتیاق و تحسیرله مملکت مزی تشریف لرنه انتظار ایله بوردق . بو کون قارداش افغان ملتی اسیل و قیمتدار شخصلرنده تمثیل ایدن برادر خاص قرال حضرتلرنی و محترم قرالیچه حضرتلرنی حکومت مرکزیمز ، آقره ده تورک ملتی و تورک دولتی نامه شخصاً سلام مقله بختیارم .

مضار کرام ، افغان ملتی ایله منشأی اورته آسیا اولان اجداد من آرہ سنده کی مناسبتر و اخوت رابطه لری پک قدیمدر . تاریخک سیلنمز صحیفه لری اومناسبتلرک ابدی خاطرہ لر یله دولودر . ایکی قدیم و قهرمان ملتنک بو کونکی اولاد لری ، بزله ، مدار انتباه اولان او صحیفه لری بویوک علاقه ایله مطالعه اتملی بز . اوراده افغان ملتی ایله تورک ملتنک بر صفده یان یانه عین غایه یه بورودیکی و مشترک شانلر و ظفرل قازاندینی کوریلہ جکلر . تاریخک لایموت مضبوطانی بزہ قاردهشک

حس لرنی . و رابطه لرنی قیمتی بر میراث مشترک اوله رق بر اقرش اولان افغانلی و تورک بویوک بابا لریمزک بو کونکی سیاسی حدود لریمزک خارجنده کی ساحه لرده دخی دولتر قورمقده یکدیگرینه خلف و سلف اولدق لرنی کوستر مکده در . ایشته بو کونکی افغان و تورک ملت لری صایسز عصر لرک و بویوک قطعه لرک ایچنه خاطرہ لر و عنعنہ لر سالان بویوک ملتنک اولاد لری در . عزیز دوستمز قرال حضرتلری ، تاریخک نه غریب تجلی لری ، دنیا خادنه لرینک نه معنی دار تصادف و مشاہرت لری واردر !

ذات حکمداریلری ۱۹۱۹ ده قهرمان افغان ملتنک باشنده اولارق آسیانک اورتاسنده استقلال ایچون مجادله یه آتینیرکن بزده عین تاریخده بوراده آوروپانک شرقنده بوتون مدنی جهانک پیش انظارنده استقلال و حریمزہ و ورولان ضربہ لرہ کوسلر مزی سپر ایدرک دو کیشیوردق . سزه وزه جکدیریلن بونجه آلام واضطر ابدن بجته حاجت یوقدر . یالکز استقلال و حریت عشق ، ملتر ایچون اواضطراب آنلری ، اواضطراب مسیبلری